

Sonnyhtiztyksen peruztamizkogouz

Salmin muatalouzn'euvvoi Kirvezn'iemi, kudamua rahvaz leikilläh sanoi "Kirvezvarrekse", pidi puhien, kui välttämöi oliz sonnyhtiztyz Man'silan kyläz. "Kun kylään hankittaisiin rotusonni, saataisiin toisen verran maitoa, kuin mitä nykyään saadaan", häi sanoi.

Ignoin Irin'n'y, kudai oli yöksynnyh kogoukseh, kyzyi plokahutti: "A, sano sinä, hyvä herru, mi netše sonni oigieztah on?" (Rahvaz rubei nagramah.)

"Ka, eihän se mikään ulkomaan eläin ole, sehän on sama kuin häkki salmin kielellä", muatalouzn'euvvoi Kirvezn'iemi vartai.

"Vai häkki! Sinä taki, herru, minul tuhmal akal kielaztad?"

"Kuinka niin kielastan?"

"Ga, eihäi häkki lypsä, kui sid maido voi ližävyö kaksinkerdazekse?"

"Se on sillä tavalla, että jos on hyvä siitossonni, silloin lehmäkanta paranee ja maidon tuotanto lisääntyy", Kirvezn'iemi sellitti.

"Vai muga on d'ielo! Minä en sidä täh sah tiedännyh, hot' olen elännyh jo yli seittšekymmen vuotta. Minä olen pidännyh selvänny, što sen d'ielon spruavii häkki kui häkki; ei tietengäz heinyhäkki", Irin'n'y ližäi kujeh silmykulmaz.

"Ei se niin ole. Sonnista paljon riippuu, millaisia jälkeläisiä tulee", muatalouzn'euvvoi sanoi.

"Edgo sinä, Irinny, ole pannuh merkil, što tavallizezt'i lapzed tullah iżäh? Jezli iżän silmäd - kuavakse - ollah kierz, ga sit lapsilgi ne voijjah olla kierz", Spil'kan Johor sanoi.

"Ga, voihei d'ielo muga ollagi. Minä olengi toizinah smiet't'innyh, mikse noil Johoran lapsil jallad ollah mugal'ei homutalleh, vai nygöi segi azii minul valgen'i. Eigo se n'i kummu ole, ku iżän jallad ollah kui vuazsuptšin vandedhed." (Rahvaz tuaz röhähtih nagramah.)

No, ku se "roduhäkki" muga äijjän ližiäy maiduo, piätettih peruztua sonnyhtiztyz Man'silan kyläh.

"A kembo rubieu hoidamah sonnii?" Lut'ikan Mikko kyzyi.

"Ed ainagaz sinä", Irin'n'y sanoi.

"A miksebo ei?" kzyyttih.

"Ga, tiedäähäi Lut'ikan, sehäi järgieh rubieu häkiz imemäh verdy."

Mikko suutahti da sanoi: "Andakkua sit häkki Irin'n'än hoidoh, eihäi hänel muudu hoijjettavua n'i ole, ku mulloi ainavon lehmän vaihto sebaruattorih."

Tämä käi kibiezt'i Irin'n'äh. Hänel näid oli tozizsah muga käynnyh, ku sebaruattorin vellaz oli myödy huudokaupal hänen ainavo lehmy. Häi tuhahtih da lähti kogouksez iärez. Uksez mennez häi kuitengi sanoi: "Probad'ikkah kogo sonnin, minun katšo etto sen žiivatan täh hauku." Pan'i uksen

kiin'i, avai sen uuvveztah da kirgai: ”Andakkua se häkki Lut’ikan Mikon hoivah, sit hyö vai yhtez brihaztetah. N’i kudamaz ei kuitengaz tule n’i millaztu tolkkuu.” (Mikko näid oli vanhubriha.)

LUE! ELLENDÄD! LUE! YMMÄRRÄT!

yöksyö	erehtyä, joutua harhaan tai väärään paikkaan
kielaztua	valehdella, vilpistellä, puhua muunnettua totuutta tai vastoin parempaa tietoa
spruavie	toimittaa, korjata, saattaa paikalleen
kuavakse	malliksi, esimerkiksi
homutalleh	längälleen
mulloi	viime vuonna
brihaztua	viettää poikamieselämää
probad’ikkahkuolkoon, menköön hukkaan, käyköön miten tahansa	
vanhubriha	vanhapoika